

Комсомо́лнь ВАЙГЯЛЬ

ЛИСЕНДИ VIII-це КИЗОСЬ

ВЛКСМ-нь Мордовский
обкомть и Саранский
горкомть газетасна.

Адресь: г. Саранск, Советская ул.,
Дом печати, Телефон № 1—60.

ПИТНЕЦ 5 тр.



ЛИСЕНДИ КОВТИ 12-ксть.

ШКОЛАТНЕНЬ БОЕВОЙ ЗАДАЧАСНА

Исяк, майть 20-це шистонза, начальнай, аф полный средний и средний школатнень эса ушедсть проверочнай, переводнай и выпускной испытаниятне. Тя ответственнай задачатъ большевикок васьфгеманцты и йотафтоманцты пяк оцю вийса эноклась эрь школась, учительсь, учениксь. Тундань испытаниятне—тя школьникнень знанияснон государственнай проверкасна, конань результатонзон коряс партиясь, правительствась, народсь и лична Сталин ялгась школатнень и учительхнень киза кувалмонь работаснонды максхть эрявикс оценка.

Велень передовой учительхне, конат населеннять йоткса вятсть общественно-политический оцю работа итнень коммунистический воспитаниянь тевсост, няфтсть работань образецт. Тонафнема кизоть омбоце четвертец коряс, кепотксонди, колмоце четверть пингста ламода сядя касфтозь успеваемость Ковылкинский 43 № и Саранск ошень 44-це № железнодорожной школатне, Кадошкинский районнь Глушка велень, Ельниковский районнь Каньгуш велень, Пурдошанский районнь М.-Пашад велень средний школатне и пяк лама лия школат. Аф кржа класста, школада, конатнень эса абсолютнай успеваемость кассь 100 процентс. Коммунистический воспитаниясь тяфтама замечательнай результат сатсть Саранск ошень 44-це № средний школань преподавательсь класснай руководитель Миров, Кадошкинский районнь Глушка велень средний школань преподавательница, класснай руководитель Чугунова, Саранск ошень 1-це № средний школань преподавательница Аршинина и лама лия ялгатне.

Школьникнень знанияснон государственнай проверкасна эряви йотафтомс добросовестна и честна. Кда кармайтхть улема стама педагокт, конат испытаниятнень пингста йорайхть васькафтомс партиять и государствать, кяшемс эсь калдыя работаснон очковирательстваса, тяфтама педагокне эрявихть разоблачать и суровайста наказакшнемс.

Проверочнай испытаниятнень сатфксна—учебнай кизоть сатфксонза решандафт класса, школаса учебно-воспитательнай процессть пингста. Испытаниятнень образцовайста организовадамасна и синь успешнайста йотафтомасна васендакиге ащи сознательность и дисциплинированность, педагогть маштоманц и настойчивостенц эзда.

Нят великай задачатнень лемс эряви работамс, эряви творить. Овладедамок большевизмать основанзон мархта, апак лотксек кепсемок эсь мастерства, учительствась 1939—1940-це учебнай кизоть итогса может сатомс од замечательнай сатфкст. И советский учительствась сатсыне синь, ибо сон пяк уверенна моли ся кить эзга, конань няфтезе большевиконь партиясь и человечествать величайшай учитель Сталин ялгась.



Саранск ошень 44 № железнодорожной средней школань 10 „А“ краснознаменная классь 1939—1940 кизоть аделае 100 процентнай абсолютнай успеваемостьса.

СНИМКАС: Класснай руководительсь К. И. Мировось химиясь йотаф материалть коряс йотафты занятия.

Фотось В. Ивенинь.

Якстерь Армиянь начальствующай и рядовой состави Советский Союзонь Геройнь званиянь максомась

Финский белогвардейщинать каршес тюреманы фронтть эса командованиять боевой заданиянзон образцовайста пяхкодемаснон инкса, тянь пингста няфтьф отгагать и геройствать инкса СССР-нь Верховнай Советть Президиумонц указонц коряс присвоенай Советский Союзонь Геройнь звания и максфт Ленинонь орденонц и „Золотая звезда“ медальхне:

1. Старшай лейтенантти Брагинец Николай Григорьевичи.

2. Якстерьармеецти Иванов Василий Ивановичи.
3. Старшай лейтенантти Летучий Израиль Яковлевичи.
4. Майорти Порфенов Виктор Петровичи.
5. Лейтенантти Розка Александр Антоновичи.
6. Капитантти Ткаченко Андрей Григорьевичи.
7. Капитантти Топаллер Анатолий Семеновичи.

(ТАСС).

Майть 19-це шистонза.

Якстерь Армиянь начальствующай составть и якстерьармеецнень награждениясна

СССР-нь Верховнай Советть Президиумонц кизонь майть 19-це шинь указонц коряс финский белогвардейщинать каршес тюреманы фронтса командованиять заданиянзон образцовайста пяхкодемаснон инкса и тянь пингста няфтьф доблестть и мужествовать инкса СССР-нь орденца и медальса награжденнай Якстерь Армиянь начальствующай и якстерьармеецонь составть эзда 2951 ломань.

Ленинонь орденца награжденнай — 47 ломань.

Якстерь знамя орденца — 339 ломань.

Якстерь звезда орденца — 595 ломань.

„За отвагу“ медальса — 977 ломань.

„За боевые заслуги“ медальса — 993 ломань.

Сембе награжденнайхнень поименной спискасна печатлави „Красная звезда“ газетаса. (ТАСС).

Якстерь Армиянь войсковой частьтнень СССР-нь орденца каземасна

СССР-нь Верховнай Советть Президиумонц указонц коряс финский белогвардейщинать каршес тюремасы фронтса командованиянь заданиянзон образцовайста пяхкотыкшнемаснон инкса и тяка пингть доблестень и мужествовать няфтемасна Якстерь знамя орденца казффт:

28 стрелковой полксь.

37 стрелковой полксь.

184 стрелковой полксь.

57 отдельнай сапернай батальонць.

(ТАСС).

Майть 19-це шистонза.

Аделавсь мордовский писателень 2-це конференциясь

Майть 19-це шистонза илять аделае мордовский писателень 2-це конференциясь эсь работанц. Конференциясь йотась оцю идейно-политический уровеньца.

Мордовский художественнай литературать развитиянц и сонь перспективанзон колга обстоятельной доклад тись кялень, литературань и историянь Мордовский научно-исследовательский институтть научнай сотрудник Маскаев ялгась.

Эзянь художественнай литературать развитиянц колга тись доклад поэтсь Вечканов ялгась, мокшень художественнай литературать развитиянц колга тись доклад поэтсь Карасев ялгась. Мордовский писателень ингольдень правлениять работанц колга отчетнай доклад мархта выступил Радин ялгась. Сяда меле азсь приветствия СССР-нь ССП-ть лемста Чертова ялгась. Тоса ушедсть прениятне.

Писательхне кемоста критиковандазь эсь аф сатыкснон и Мордовский государственнай издательствать работанц. Мордгизсь писательхнень произведенияснон нолязень пяк калдыя оформлениясь и лама эльбияткс мархта.

Основной докладтнень коряс конференциясь примась резолюция, конань эса лувозе писателень сире правлениять работанц аф удовлетворительнайкс.

Од правлениясь кочкаф 7 ломаньца: Ф. И. Беззубова—орденоносец-сказительница, Филипов, Куторкин, Иркаев, Карасев, С. Родькин и Воронин писательхне. Ревизионнай комиссияв кочкафт: А. Чекашкин, Кономанин и Аношкин писательхне.

Г. Пьянзин,

ШКОЛЬНОЙ ЭРЯФСЬ

МАКССАЙНЕ ИСПЫТАНИЯТНЕНЬ АНЬЦЕК ОТЛИЧНАЙСТА

Мон тонафиян Сире Каньгуш велень средний школань 6-це класса. Тонафнема кизонь васень шитнень пингста сявомок тонафиян цебарьста и отличнайста. Тяда башка школаса вятян общественнай работа пионерский организациять поручениянц коряс.

Сувамок социалистический соревнованияс, мон сявонь эсь лангозон обязательства 7-це классу йотамс аныцек отличнай оценка мархта. Эсь инголен путф задавать пшкотькшнеса честь мархта. Васенце четверть пингста мон получаю 4 предметонь коряс

цебарь отметкат, а иляды предметнень коряс отличнайхть; 2-це и колмоце четвертнень пингста мон машфтыне цебарь отметкатнень, 11 предметонь коряс получаю отличнай отметкат.

Переводнай испытаниятненди аноклама ушедонь пяк кунара. Сембе предметнень коряс мон повториндаине кизонь перьф йотаф материалъ. Тяни мон путнеса сембе виинзень сянди, штоба сисемце классу йотамс аныцек отличнай оценка мархта.

Леша Икомасов.

Ельниковский р-н.

МЕЗЬСА САСТЬ ИСПЫТАНИЯТНЕНДИ

Майть 20-це шистонза школань эса ушедсть переводнай и выпускной испытаниятне. Тя политический оцю важностень тевти районца аф кржа начальнай, аф полнай средняй и средняй школат састь цебарь и отличнай сатфкс мархта. Но улихть школат, конат испытаниятненди аноклайхть кальдявста.

Тяфта, например, Торбеевский средняй школаса абсолютнай успеваемость аныцек 65 процент. Ученикнень лувксса, конат тонафнихть кальдявста, кассь 140 лама ломаньц.

Эсь лангозост саяф социалистический обязательстватнень честь мархта пшкodemаснон инкса кальдявста тюремать сюнеда 7-це „А“ класса (класснай руководительс Горбачева преподавательница)

успеваемость аныцек 47 процент, а 5-це „Д“ класса, коса класснай руководителкс работай Степановась, ученикнень успеваемость аныцек 45 процент.

Школаса улихть аф кржа ученик, конат кальдявста тонафнемоды башка класса эсь пряснон вятсаяз аф дисциплинированнойста. Тякажа 5-це „Д“ классонь ученикне, кода Мелицкийс, Жарковсь и лиятне урока аф кулхцондыхть, шумнайхть, а перемантнень пингста тюрихть.

Школаса нят сембе аф сатыкне мусть васта аныцек сяс, мес синь каршезост пяк кальдявста тюрость кой-кона преподавателькне и школьной комсомольский и пионерский организациятне.

Дм. Родин.

Торбеевань район.

Тоса, коса аф инициативнайхть учителькне

Лемдяй велень аф полнай средняй школань учительницатне Безруковась, Гунькинась и Катайкинась школат и велеть общественнай эряфсонза аф примосихть кодамовок участия. Велеса сембе работась, кода колхозникнень коммунистический воспитаниясна, уликс аф грамотностть и малограмотностть машфтомац и лия актуальной кизефксне йотнихть нят учительницатнень вакса.

Тяфта жа сави азомс, што Безрукова, Гунькина и Катайкина учительницатне пяк кальдявста тюрихть идень коммунистический воспитаниянь фронтсовок. Тяфта, например, Безруковать класса мекольдены пингть эзда посещаемость валгсь 17 процентс, а Гунькина и Катайкина классы—48 процентс.

Юрий Демкин.

Сире-Шайговань район.

Педагогический училища

Зубово-Поляна. Педагогический училищась, кода и лама лия школат, тя кизоня учебнай программать сембе дисциплинатнень коряс аделазе 100 процентс. Школаса тяфта жа йотафто оцю работа испытаниятнень сембе ширде анокста васьфтема тевсовок.

Школань сембе ученикне и пре-

подавателькне марса пяк виюста тюрихть испытаниятнень образцовайста йотафтомаснон инкса.

Ули основания мярьгомс, што педагогический училищань ученикне и преподавательский коллективс эсь инголест путф задавать пшкотьсаяз честь мархта.

Ив. Паршин.

Мес аш значкистт?

Сире Каньгуш велень (Ельниковский район) средняй школань ученикнень йоткса пяк кржа значкистта. Тядлень тонафнема кизоть 7-це классонь ученикне ламоксть корхнесть школань дирекцияти, военрукти В. М. Санькинти, штоба синдейст организовадалхть обороннай значоконди нормань максоматненди анокламань кружок. Но аф школань дирекциясь,

аф военрукс Санькинц и аф комсомольский организациясь теист лезкс кодамовок ашесть максат.

Тонафнемань кизоть васень четвертнень пингста ученикнень йоткса йотафтовсь аныцек фкя занятия БГТО-нь значокти нормань максомат колга и тьяконь лангс успокоились.

Ив. Кирдяев.

ИСПЫТАНИЯДА ИНГОЛЕ

Ковылкинский 43-це № железнодорожной средняй школань ученикне пяк упорнайста анокласть испытаниятненди. Сань урокнень и консультациятнень эса кулхцонкшнесть оцю интереса.

Ученикне сембодонга оцю мяль шарфнесть математикать тонафне-

манцы, сяс мес тя дисциплинати старшайклассонь ученикне шумуфт.

Аф кржа ученик, кода Шишкова, Маркова, Федосеева, Касаткин, Кузнецов, Гусев и лиятне максеть вал, што синь тонафнема кизоть аделасазь отличнай оценкаса.

М. Водякова.

Западной Европаса
военной действиянь
обзорсь

Бельгийский фронтста и Франциять северо-восточнай пограничной районзон эса германский и англо-франко-бельгийский войскактнень йоткса мольсть вишке бойхть.

Бельгияса наступлениясь вятьф Брюссель районца западнай шири. Мекольдены сведениятнень коряс, бельгийский правительствась кадозе Остендсть и йотась Дюнкеркти (Франция). Германский войскактне вятихть наступления Севернай морять бельгийский побережьянцты западнай направления.

Севернай Францияса основной бойхне йотнихть Самбра лять и Ретель районть йоткса фронтть эса, конанди германский командованиясь, французский военнай министерствать сообщениянц коряс, пуропть пцтай 3 тьожатть танк. Мотомеханизированнай соединениятне бомбардировочнай и штурмовой авиациять взаимодействиясь вятсть удар Аевть и Вервенть лангс, стреминдамок сявомс англо-французский оцю группировкань вийхнень левой флангснот, конат аралайхть Парижть.

Упорнай бойхть молихть 30-шка километровай Авен-Вервен-Ирсон треугольникос ащи фронтса, коса инголи моли германский войскактнень союзникнень бронетанковой частьсна и авиациясна аф весть контратаковандакшнесть. Аф ваномок тьян лангс союзникненди ашезь лоткафтов германский мотомеханизированнай частьтнень инголи моламасна, конат, сявомок азф пункттнень майть 19-це шистонза мольфть наступления Камбре-Сен-Кантен шири.

Майть 19-це шистонза шиньберф вишке бойхть мольсть Самбра лять и каналть рубежса, Парижста 130—140 километра северо-восточнай ширеса. Ня бойхнень результатса, германский командованиять сообщениянц коряс, немецненди удалась йотамс Самбра и Уазу лайхнень и заямс Де-Като и Сен-Кантен ошнень (60 километр Амьенть эзда).

Анализовадамок военной действиятнень моламаснон, можна тиемс предворительнай вывод германский армиянь ударнай группировкатнень цельснон колга.

Армейский группировкась, конац наступает Антверпен—Брюссель райотнень эзда, няеви, што кирди задача лисемс Па-Де-Кале проливть побережьянзонды (сотнесыне Бельгиять и Франциять Англиять мархта) и кяромс тяфта английский экспедиционный армиять сонь снабжениянь базанзон эзда.

Армейский группировкатне, конат вятихть действият Сен-Кантен-Реймс направленияса, кирдихть, кода няеви, задача явфтомс английский экспедиционный и бельгийский армиятнень французскийхнень эзда и кяромс союзниконь бельгийский группировкать и бельгийский армиять юго-западнай направленияса потама киснон.

Майть 19 шистонза.

ТАСС.

Ответ. редакторть заместителец
И. ЧУДАЙКИН.



Успешнай работанкса и минь странань-конь обороноспособностенц кемокстамаса инициативань няфтеманкса Ленинградский Государственный университетонь 4-це курсонь студентка А. Е. Островская комсомолкать СССР-нь Верховнай Советть Президиумоц казезе „Знак почета“ ордена.

СНИМКАСА: А. Е. Островская ялагась.

Фотось Мезеловть
(Фото-клишесь ТАСС-ть).

Панжевсь культурань
и ваймамань паркссь

Майть 18-це шистонза ровна 18 частса панжевсь Саранск ошень А. С. Пушкинт лемса культурань и ваймамань паркссь. Ошень трудячайхне радость мархта пуромсть парку. Илядены берф танцевальной площадкаса морась духовой оркестрсь. Парконь сембе ужениатне ульсть праздничнайхть. Перьфяльге ульсть повфнефт лозунгт, Мордовский АССР-ть передовой ломанензон портретсна. Васень ортатнень и танцевальной площадкать видеса повфнефт мировой пролетариатть вождьснон портретсна.

Ф. Донской.

Апак печатлак
материалоньконь
коряс

Аф кунара „Комсомолонь вайгяль“ газетать редакцияц полчась эсь юнкоронц ширде сьорма, коса сон пачфни куля, што Рыбкинский районнь Мичуринть лемса колхозса Мишин И. старшай конюхть бездеятельностенц сюнеда урадсть колма вашенят. Аф правильна использовандакшнесть фуражть и аф эсь киганза расходовандакшнесть колхознай тишесь. А тьяста и результаттне; видема колхозсь лиссь сембоды мекольцекссь, алашанза кальдяв упитанностьсот, алашатненди фуражна маштьс.

Колхозть председателец Кочкоровсь и завхозсь Сорокинц колхозть жизненнай кизефксонзон лангс кодамовок мяль ашесть шарфне и сянть вастс, штоба машфтомс нят сембе аф сатыкнень и лисемс тьяопаснай положениаста, синь занимадась пьянкаса.

Редакциясь тя сьормать кучезе Рыбкинский райзоти расследованиясь и мерань примамс.

Райзось выяснил, што фактне видет. Мишинть, Кочкоровть и Сорокинть мархта примафт соответствующай мерат.